

3 JON

¹ E Kristen gate. O ijo was bole Gaius, e anjam endi neñgreñyosim inoq qarinjyonum. E ni bole qalaqlaimeqnum.

² O ijo was bole, e ni qa endegsi pailyeqnum, “O Abu, ni na Gaius aqa wau kalil boletime. Osim a siñgilatim a ma saiqoji soqneme.” O Gaius, e qalieonum, ino qunuñ a bole unu.

³ Nami Kristen was qudei nañgi e nubqa bosib merbeb, “Gaius a anjam bole dauryeqnu.” Degrésib merbonab e quisim tulan̄ areboleboleibej. Od, Gaius, e qalieonum, ni anjam bole dauryeqnum.

⁴ Ijo anjro nañgi anjam bole dauryeqnub e di quoqnsim deqa tulan̄ areboleboleibeqnu. Ijo arebolebole dena arebolebole kalil tulan̄ buryejunu.

*Gaius na aqa Kristen was nañgi geregereinjre-
qnu*

⁵ O ijo was bole, e qalie, ni kumbra bole dau-
ryoqnsim ino Kristen was nañgi geregereinjre-
qnum. Osim Kristen was qudei nañgo ulatamu ni
qaliesai qaji nañgi qure beiq na beqnabqa nañgi
dego ni na geregereinjreqnum.

⁶ Was nañgi di ino qalaqlaiyo kumbra qa sae-
qnab Kristen tamo uñgasari qure endia unub qaji
nañgi queqnub. Deqa ni que. Was nañgi di olo
ni uratmosib walwelqa laqnibqa ni na ñigi ñigi qa
nañgi aqaryainjrim nañgi walwelqab. Qotei a ino
kumbra deqa tulan̄ arearetoqnqas.

7 Was naŋgi di Yesus aqa wau ojqajqa are qaloqnsib aqa ñam osib walweleqnub. Naŋgi sawa bei bei qaji naŋgo ambleq di waueqnub. Naŋgo wau dena naŋgi silali iŋgi iŋgi osaieqnub.

8 Deqa iga tamo deqaji naŋgi aqaryainjroqnqom. Iga degyqom di iga naŋgi koba na wau ojoqnsim anjam bole siŋgilatoqnqom.

Diotrefes a kumbra uge yeqnu

9 Nami e anjam qudei neŋgreŋyosim Kristen tamo uŋgasari ino qureq di unub qaji naŋgoq qarinyem. Ariya Diotrefes a gago anjam quetgosaieqnun. A tulaŋ diqoqnsiqa a na Kristen kalil naŋgi buŋnjrsim aqa segi ñam soqtqajqa siŋgilaeqnun.

10 Deqa e nungoq bosiy Diotrefes aqa kumbra qudei qa olo sainjgwai. Aqa kumbra bei agiende. A iga qa anjam uge uge mareleŋeqnu. Di segi sai. Kristen was naŋgi walwelosib nungo qureq beqnab a na naŋgi aqa meq joqsi gilqa urateqnun. Yeqnaqa tamo qudei na was naŋgi di naŋgo meq joqsi gilqa laqnab a na naŋgi dego getentnijreqnu. Osiqa naŋgi Qotei tal miliqq gilqa saidnjreqnu.

Demitrius a kumbra bole yeqnu

11 O ijo was bole Gaius, ni kumbra uge dauryaim. Ni kumbra bole segi daurye. Tamo a kumbra bole dauryqas di a Qotei aqa tamo sqas. Ariya tamo naŋgi kumbra uge uge dauryeqnub qaji naŋgi Qotei unqa keresai.

12 Tamo kalil naŋgi Demitrius a qa mareqnub, aqa kumbra bole. Anjam bole a segi dego tamo sigitosiqa Demitrius aqa kumbra bole qa mareqnub.

E segi dego a qa marelqum, aqa kumbra bole. Ni qalie, ijo anjam a bole.

Jon a Gaius unqajqa bosim a ombla anjam qairqab

¹³ E anjam gargekoba neŋgreŋyosiy inoq qarinqya kere. Ariya e neŋgreŋyqasai.

¹⁴ Sokiňala e inoq bosiy ni numsiy aqo ombla anjam marqom.

¹⁵ Ni lawo na soqnlime. Kristen was qure endia unub qaji naŋgi ni qa kaiye anjam qarinqyonub. E dego Kristen was kalil ni koba na unub qaji naŋgi qa kaiye anjam qarinqyonum. Ijo kaiye anjam endi ni na naŋgi minjrlime. Bole.

**Yesus Aqa Anjam Bole 2014
The New Testament in the Anjam language of Papua
New Guinea, 2014 revision
Nupela Testamen long tokples Anjam long Niugini,
2014**

copyright © 2014 Wycliffe Bible Translators, Inc.

Language: Anjam

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-04-28

PDF generated using Haiola and XeLaTeX on 28 Dec 2024 from source files dated 31 Aug 2023

0eb339dc-c20a-5065-9483-338933d97585